

欽定中樞政考

欽定中樞政考目錄卷之一十五

緣營

雜犯

各省查禁私鹽

小夥興販私鹽

大夥興販私鹽

小夥私鹽拒捕

大夥私鹽拒捕

接緝鹽犯

私鹽經由地方

故縱私梟

鹽梟入境隱諱不報

拏獲私鹽議敘

緝拏私梟不得互相推諉

巡緝私鹽

江西堵緝隣私

湖北宜昌鎮派弁督兵會同文員緝私

兩淮緝私並盤查商人舞弊

攬買川鹽

失察硫磺

失察硝斤

拏獲鴉片烟議敘議處

拏獲命犯議敘

巡捕營獲逃議敘

查解逃人議敘

失察逃人

拏獲隣境逃犯議敘

江西高安縣鼓樓岡山場永遠封禁

失察礦徒

失察假冒職官誑騙財物

假冒兵丁

失察在官人役犯賊

家人犯法

失察假印

稽察夜行

失察夜戲

京城查拏放火兇徒

巡捕營地方失火處分

外省失火處分

監獄失火

監犯越獄

毆死奴僕

遣犯殺傷人命

失察私宰耕牛馬匹

嚴懲錢鋪奸商

失察私鑄錢文

奸民剪邊煨化制錢

挈獲私鑄私煨議敘

失察販買私錢

失察剪邊錢文

奸民製造錢模

漕船夾帶私錢

軍犯發遣

軍流遣犯盛暑隆冬停遣

發遣官常各犯起解限期

發遣人犯派撥官兵護解

遣犯分起解送

解犯中途脫逃

盜犯投首交營管束後脫逃

人犯不行速解

解兵與犯同逃承緝處分

押解官犯

解犯過境撥兵看守



遞解罪犯中途自盡

兵丁押解罪犯賄縱捏報脫逃

發往巴里坤人犯收禁驛監

發往巴里坤人犯脫逃

免死發往伊犁烏嚕木齊等處要犯脫逃

新疆內地遣犯脫逃

失察新疆逃遣潛匿

失察軍流逃犯潛匿

嚴緝新疆逃遣年終彙奏

匪犯糾眾等案三月以內擒獲免議

失察邪教

嚴拏邪教首惡

嚴拏邪教妖言不得姑息

邪教投悔毋庸派委多員分投勸諭

失察西洋人在境傳教處分

刁民聚眾抗官

失察盟黨

緝拏邪教人犯

隣境緝拏要犯該管官不及協拏免議

迎神聚衆不能查拏

失察逞兇結黨

糾鬪重案嚴拏速辦

失察械鬪

容留叛屬

承緝叛逆

嚴拏光棍

查拏霸占要地

光棍輪姦婦女

失察擄掠人口勒贖

兇苗捉人勒贖

強搶迷拐男婦

京城迷失幼童幼女

迷拐幼童

興販人口

官員鬪毆

官員宿娼

臺灣官員失察兵役包庇娼賭

買良爲娼

失察秧歌婦女及女戲遊唱

臺灣地方嚴禁開設押典

拏獲駕船誘騙冒差匪犯分別功過

官員賭博

兵丁賭博

失察賭博議處

失察賭具議處拏獲賭具議敘

協拏賭具議敘捏稱協拏者議處

失察製造寶盒議處拏獲議敘

後官拏獲賭具迴護前官議處

拏獲賭具議敘分別首先協拏

承審案件究獲賭具免議

嚴禁花會賭博

失察匿名揭帖

各省查禁私鹽

道光元年三月內奉

上諭曹振鏞等議奏兩淮鹽政緝私事宜一摺兩淮引地寬廣與川粵浙閩等省處處毗連各隣私四出侵銷致虧額賦自應加以整頓著通飭四川廣東浙江福建及山西河南各督撫鹽政飭令各官商等恪守界址按制行鹽如有越境私販及巡防員弁賄縱情弊立即嚴拏究辦以杜偷漏至鹽梟拒捕事所時有地方文武各官因處分過嚴轉多

諱飾著卽照吏兵二部所議量從寬減其拏獲人犯無庸一概解省分別訊辦以省拖累所獲鹽斤等項卽聽該兵役自行變價充賞俾免侵漁惟是鹽務弊竇多端緝私特其一節凡官引之夾帶商人之行私其弊有甚於私販者著該督撫鹽政等實力查禁毋託空言弊源旣清離務自日有起色矣欽此



小夥興販私鹽

一地方有小夥興販私鹽出境或販賣入境在  
十人以下或小夥興販一案之內訊明同時  
或三起四起各販各私者限滿不獲將專管

兼轄各官照例按限分別議處

例載處分則  
例緝私門

如於出境入境時文職將人鹽並獲毋論獲  
犯名數武職均予免議交界處所此汛拏獲  
卽免彼汛處分彼汛拏獲卽免此汛處分隣  
境獲犯本境並未協拏者仍照例酌減議處

若出境地方僅獲私鹽而人犯無獲或僅獲  
人犯而私鹽未獲均照例酌減議處其入境  
地方僅獲鹽斤或只獲鹽犯酌減議處者失  
察出境各官仍照例議處限緝能於限內續  
獲餘犯者准其酌減議處

大夥與販私鹽

一地方有大夥與販十人以上帶有軍器與販私鹽出境及入境販賣者限滿不獲將專管兼轄各官照例按限分別議處

例載處分則例緝私門

如能於出境入境時拏獲者其免議酌減之處悉照小夥私鹽一律辦理

小夥私鹽拒捕

一小夥與販不及十人或十人以上並未帶有

軍器臨時拒捕傷人者限滿不獲將專管兼

轄統轄各官照例按限分別議處

例載處分則例緝私

門如限內將拒捕兇犯拏獲免議若文職拏

獲兇犯武職亦准免議交界處所此汛拏獲

卽免彼汛處分彼汛拏獲卽免此汛處分隣

境獲犯本境並未協拏者仍照例酌減議處

若兇犯脫逃將鹽斤餘犯拏獲照例酌減議

欽定大清會典事例 卷一百一十三 禮部 二  
處其失察出境各官仍照小夥與販之例辦

理

大夥私鹽拒捕

一大夥私梟夥衆至十人以上帶有軍器及二十人以上雖未帶有軍器而拒捕致傷兵役者無論案內人犯係一二起及三四起同時拒捕均以大夥拒捕論限滿不獲將專管兼轄統轄各官照例按限分別議處例載處分則例緝私

門如限內拏獲拒捕兇犯者免議若文職拏

獲兇犯武職亦准免議交界處所此汛拏獲

卽免彼汛處分彼汛拏獲卽免此汛處分隣

境獲犯本境並未協拏者仍照例酌減議處  
若兇犯脫逃將鹽斤餘犯拏獲照例酌減議  
處其失察出境各官仍照大夥私鹽之例辦  
理

接緝鹽犯

一興販私鹽及販私拒捕之案承緝官未經限滿離任者逸犯交與接任官勒限緝拏限滿不獲按其到任接緝在初叅限內限外照例

分別議處

例載處分則  
例緝私門



私鹽經由地方

一私梟過境並未有在境販賣情事於犯案之時供出從何處與販向何處私賣僅止經由該處者地方武職並無諱飾情事實係失察者將專管官分別小夥大夥照例議處若經由地方該管各官故爲疎縱一味諱飾卽照故縱私梟隱諱不報例議處

例載處分則其例緝私門

經由地方該官兵等如能實力擒捕將私梟拏獲不計名數照拏獲私鹽例按其小夥大

金匱要略卷之三十三  
夥分別給予議敘若因梟販衆多力不能辦  
者准其移會隣汎協力擒拏其有兵役因捕  
格受傷者該管各官均免其議處

故縱私梟

一地方武職遇鹽梟入境與販及有拒捕情事  
專管官故爲疎縱不卽擒拏者照例議處兼  
轄統轄各官失於查察或徇庇不行揭報或  
已經揭報而督撫提鎮徇庇不行題參者均  
各照例分別覈議

例載處分則  
例緝私門

總督巡撫交

吏部議處

鹽梟入境隱諱不報

一販私鹽梟由他處入境督兵緝拏入鹽並獲  
該地方武職免其失察處分仍按大夥小夥  
名數議敘倘在該處有拒捕情事隱諱不報  
者照故縱鹽梟例議處

例載處分則

例緝私門

拏獲私鹽議敘

一地方武職各官一年內拏獲過境十人以上  
不帶軍器小夥私梟每二起紀錄一次拏獲  
十人以上帶有軍器大夥私梟每一起紀錄  
一次拏獲大夥至三起者加一級四起者加  
二級五起者不論俸滿卽行陞用兼轄官一  
年內統計所屬拏獲小夥五起者紀錄一次  
十起者加一級拏獲大夥三起者紀錄一次  
六起者加一級

緝拏私梟不得互相推諉

乾隆三十七年十月內奉

旨地方私鹽承緝不嚴官引必致壅滯在江省各屬文武員弁以所行乃浙省鹽斤未免意存歧視雖有緝私之名不肯實力從事而浙江鹽政又以緝私官弁兵役皆隔省所轄呼應不靈松所鹽務之疲率由於此從前李衛以浙江總督兼令節制江南捕盜諸事是以緝私盡力鹽法暢銷然亦間有過當之處其後歷任巡撫兼管鹽政未嘗無考覈緝私之責而令不

能行之江省地方官往往陽奉陰違因循已非一日不知行鹽雖在他境而銷引同屬辦公司鹺者固不  
便因鹽務所在之區越俎干預他事其有關鹽政者  
原可隨時覈計如果江省地方官視緝私爲具文不  
知留心整頓以致梟徒充斥膜視誤公卽當指叅一  
二予以應得處分各員弁等自不敢仍前玩忽干咎  
若僅如戶部所議專責江省大吏督查恐日久尙成  
故套於浙鹽仍無裨益嗣後松所緝私之事除交江  
省督撫董飭各該省地方文武盡力嚴拏外尙有稍

分畛域不肯實力緝私者並准浙江巡撫覈實奏  
照例議處該上司等亦難辭督緝不嚴之咎如此則  
江省有司既無敢膜視卸肩松所商人亦無有推託  
藉口方爲兩得餘依議欽此



巡緝私鹽

一浙江省松江所行銷引鹽責令江南督撫董飭各該地方文武員弁實力稽查嚴拏私販倘有稍分畛域不肯實力緝私者准浙江巡撫覈實查叅

一湖北宜昌府巡緝川私凡經由要隘滙歸總路之處令該管文武員弁派撥兵役督率巡緝遇有川省私販偷越協力追捕查拏倘怠忽賄縱分別查叅究辦該管文武員弁題叅

一 江西吉安府巡緝私鹽均令於阜口等五處  
設立卡巡查拏凡山僻小徑要隘處多撥兵  
役協同卡巡常川巡緝如能拏獲積窩巨販  
者官兵敘賞巡查不周及有賄縱者卽行分  
別究叅該管官弁一併查叅

一 雲南省巡緝隣私凡經由津隘滙歸總要之  
處分設員弁酌帶兵役駐劄專司緝捕倘該  
管員弁緝捕玩弛者分別叅究

一 山東省巡緝私鹽令成山南汛把總移駐山

東江南兩省私鹽出入之龐家口專司巡查  
如有疎玩卽行查叅

江西堵緝隣私

嘉慶二十三年六月內奉

上諭孫玉庭等奏會議江西堵緝隣私條款開單請旨  
一摺前因湖廣江西綱鹽滯銷降旨令該督撫鹽政  
將疏通積滯堵緝隣私稽查夾帶偷漏事宜會議章  
程具奏茲據孫玉庭等將江西堵緝隣私章程開單  
呈覽朕詳閱單內請將贛縣磨角地方駐緝通判移  
駐攸鎮由贛州鎮飭營帶兵協同堵緝仍令贛縣縣  
丞巡查磨角安仁縣藍橋原派武員改駐長塘藍橋

一卡改委安仁縣縣丞駐巡並添巡船一隻分巡支  
河新城杉關等處委員輪流巡緝不得株守一處南  
康府屬青山地地方由省按季派委丞倅前往督率該  
處巡檢認真稽驗各條均係因地制宜俱著照所議  
辦理其淮界三十里內請照雍正年間舊制每處酌  
留隣商一二店以備本地民食其事亦屬可行該督  
等仍須派員隨時查察不准屯積多鹽以杜僥越至  
江省回空糧船裝載淮揚一帶私鹽最爲積弊著照  
所請於每年空船回江之先在湖口縣梅家洲及北

姑塘分別設卡派委員弁遇有糧船隨查隨放仍令該鹽道親往督查如有違例夾帶多鹽者查拏懲辦總須行之以實若稽查不力或得贓賣放雖更定章程仍難收實效該督等務慎選妥員認真經理以期鹽政日有起色摺單併發欽此

湖北宜昌鎮派弁督兵會同文員緝私

嘉慶二十三年九月內奉

上諭孫玉庭等奏請定鹽捕通判惰銷處分並責令營員一體緝私一摺湖北宜昌府撥貯淮鹽十萬包設立鹽捕通判領運分銷向止定有缺銷罰扣薪水章程並未明定惰銷處分以致日漸懈弛任聽川私浸灌不特宜昌一府銷不足額下游綱引悉受其害自應嚴定考成俾有專責著照所請卽以每年運鹽十萬包作爲十分銷數責成該通判緝私運售如銷不

足額按照情銷分數據實叅奏分別降革其宜昌上游歸州一帶並著宜昌鎮派弁督兵會同移駐文員實力緝私如上游堵截不力准該通判稟揭查明該文武員弁嚴叅究辦務各行之以實以肅鹺政欽此



兩淮緝私並盤查商人舞弊

道光元年十月內奉

上諭軍機大臣會同戶部議覆兩淮緝私功過章程  
一摺兩淮引地遼闊私販來往稽察難周從前因  
設巡未當每致虛糜經費茲於儀徵海州及洪澤  
湖等處扼要地方酌派弁兵實力巡防其課功給  
食亦明定章程巡費多寡計鹽覈給弁兵薪水均  
中定數並嚴互報以杜假借裁加犒以除冒濫均  
著照所議辦理惟是鹽務弊竇叢生若商人等自

行放硃夾帶藉官掩私有非巡緝弁兵所能查察者著該鹽政嚴飭監掣各官實力盤驗如有徇縱據實叅處其竈產存鹽尤須覈實毋得以多報少通同隱漏務期諸弊廓除以肅鹺政欽此

攬買川鹽

一湖北歸州巴東興山長陽等州縣民戶買食川鹽每人不得過十斤如有彙總承買並藉端轉相貨賣及別州別縣民人越境影射私買者失察之地方官均照失察興販私鹽例

議處

例載處分則  
例緝私門

失察硫磺

一 出產硫磺省分地方武職於該處嚴禁稽查以防偷漏如有私販查出來歷如係報部開挖之山私煎硫磺出賣者或係未經報部之山私行開挖煎賣者將失察之專汛兼轄各官按次議處其私煎硫磺偷漏出境希圖販賣沿途地方武職失察在境販賣或止失察經由並無販賣情事者將專汛武職並兼轄

上司均照例分別覈議

例載處分則  
例緝私門

如該管

官有能自行查拏破案者均免議

失察硝斤

一出產硝斤省分地方武職於該處嚴禁稽察以防偷漏如有私販查出來歷如係收買積囤發賣者或係偶然私煎賣於過路客商者將失察之專汛兼轄各官按次議處其私販硝斤出境及沿途地方武職失察在境販賣或止失察經由並無販賣情事者將專汛武職並兼轄上司均照例分別覈議

例載處分則例詳私

門如該管官有能自行查拏破案者均免議

拏獲鴉片烟議敘議處

嘉慶二十年三月內奉

諭蔣攸銛等奏酌定查禁鴉片烟章程請於西洋貨船到澳時先行查驗並明立賞罰使地方官知所懲勸等語鴉片烟一項流毒甚熾多由夷船夾帶而來嗣後西洋貨船至澳門時自應按船查驗杜絕來源至粵省行銷鴉片積弊已久地方官皆有失察處分恐伊等瞻顧因循查拏不力嗣後有拏獲鴉片烟之案除查明地方委員等有得規故縱情事應嚴叅辦

理外其僅止失察者竟當概行寬免處分至所請拏獲典販烟斤自五百斤至五千斤以上分別紀錄加級及送部引見並軍民人等拏獲獎賞以及誣良治罪之處俱著照該督等所請行摺併發欽此

道光三年七月內奉

上諭明山奏體察滇省地方情形分別辦理一摺前據御史尹佩棻奏滇省應辦事件降旨令明山體察情形茲據該督酌議分別妥辦朕詳加披閱內管束烟瘴軍犯一條發滇安置各犯陸續增添稽



查不周該犯等故態復萌不免有竊盜窩匪等事  
自應責成專兼各官嚴加管束如敢再犯卽加等  
問擬倘該管官約束不嚴及犯事後不據實詳辦  
著卽分別叅處其嚴禁鴉片烟一條迤西迤東一  
帶將罌粟花熬爲鴉片烟最爲風俗之害該御史  
原奏並有文武衙門幕友官親武弁兵丁亦食此  
烟等語著該督撫嚴飭該管文武在關津隘口留  
心查緝並令地方官實力稽查如本省私種罌粟  
花採熬鴉片及開設烟館卽嚴拏究辦不得假手

書役致滋索擾其買食鴉片無論官幕營弁兵役  
一經拏獲照例懲辦至地方官拏獲量子鼓勵如  
不行查拏酌加處分並著吏兵二部妥議具奏其  
福建浙江江南廣東各海口查船包稅等弊著各  
該省督撫嚴行查禁以淨根株其安插流民一條  
滇省開化廣南地方外來民人已有客長稽查並  
編查保甲自未便事後驅逐惟良莠不齊著各地  
方官督飭客長鄉約認真編查犯案照例懲辦如  
有應行遞籍之人無論有無家口仍行遞籍管束

所墾地畝已成片段著卽酌量陞科倘續來流民並有無業及不安本分者不得容留卽行驅逐以靖地方安平居住苗民散處沿邊著卽分設頭人各將苗民另編戶冊分別管束並令附近鄉約留心查察倘犯法爲匪卽行究治仍著該管上司巡歷隨時撫輯以昭周密其查禁私鉛一條滇省河口地方販賣之鉛係通商白鉛例准行銷非銅鐵黑鉛可比該處與交趾久經通關且交趾內附恭順有素自應仍准售給交商抵換棉花布疋等物

以示懷柔於通市之中仍予以限制著每年以十萬斤爲率由安平同知於河口地方查驗放行如格外夾帶以及出入違禁貨物卽行拏究地方文武官弁敢於疎縱分別嚴察並責成厥員隨時認真查辦該督惟當行之以實持之以久以期綏靖閭閻永安邊圉方爲不負委任欽此

道光三年八月內奉

旨本日據吏兵二部請酌定失察鴉片烟條例鴉片烟一項流毒甚熾總由地方官查拏不力所致向

來地方官祇有嚴叅賄縱之例並無議處失察之條且止查禁海口洋船而於民間私熬烟斤未曾議及條例尙未周備嗣後如有洋船夾帶鴉片烟進口並奸民私種罌粟花煎熬烟膏開設烟館文武地方官及巡查委員如能自行拏獲究辦免其議處其有得規故縱者仍照舊例革職若止係失於覺察按其烟斤多寡一百斤以上者該管文員罰俸一年一千斤以上者降一級留任五千斤以上者降一級調用武職失察處分亦照文職畫一

辦理其文武官拏獲烟斤議敘均著照舊例行至  
滇省迤西迤東一帶將罌粟花熬爲鴉片烟必須  
嚴行禁止著該督撫嚴飭地方官曉諭居民一概  
不許私種罌粟以淨根株欽此

所有議敘議處俱  
詳載處分則例編

私門

拏獲命犯議敘

一武職各官不論本境隣境如能拏獲命案兇犯一名者紀錄一次二名者紀錄二次三名者紀錄三次四名以上者加一級

巡捕營獲逃議敘

一巡捕營都司守備千總把總一年內拏獲逃  
入六十名者加一級副將叅將遊擊督率所  
屬查解逃人一百二十名者加一級比此數  
多者照數遞加



查解逃人議敘

一衛所千總守備及外省專汛千總把總守備  
都司查解逃人十五名者加一級三十名者  
加二級遊擊叅將副將所屬查解逃人三十  
名者加一級六十名者加二級總兵所屬查  
解逃人四十五名者加一級九十名者加二  
級提督所屬查解逃人二百名者紀錄一次  
四百名者加一級比此數多者各照數遞加  
一年一次敘功若本年不敷加級之數者准

於次年接算議敘若仍不敷者卽將前一年之功銷除止留一年之功再於次年接算不准二年合算

一武職拿獲逃人詳報總督提督請咨遞解屬巡撫總兵管轄者詳報該巡撫總兵請咨遞解俱於每年四月將各該汛拿獲逃人數目覈實造具清冊二本一本彙送刑部查覈一本彙咨兵部備案俟刑部查明咨送兵部議

敘

失察逃人

一失察逃人潛住在三個月以內者免議如過三個月未經查拏者將該地方專汛及衛所各官並兼轄統轄等照例議處若潛住半年以上及潛住一年以上者將專汛及衛所各官並兼轄統轄與提督總兵等均照例分別議處

例載處分別  
例緝逃門 該專汛及衛所各官明知逃人縱容潛住者卽行叅革

拏獲隣境逃犯議敘

一武職各官首先拏獲隣境脫逃尋常遣犯及軍流罪犯係單身脫逃者每一名紀錄二次攜帶妻子脫逃全獲者每一起紀錄二次協獲者紀錄一次如首先拏獲隣境脫逃徒犯者每一名紀錄一次協獲者每二名紀錄一次准其前後接算聲明議敘此等拏獲人員武職無論首先協獲止准一員議敘

一武職各官首先拏獲隣境脫逃遣犯罪應正

法者准其加一級協擊者紀錄一次此等擊  
獲人員武職無論首先協獲止准一員議敘

江西高安縣古樓岡山場永遠封禁

道光元年九月內奉

上諭邱樹棠奏山場產有金苗請飭封禁一摺江西高安縣古樓岡山場內產有金苗該處民人呈請開採納課經該護撫查明該山附近省城坐落大路之旁與居民田廬逼近一經開挖必致聚集多人奸良莫辨應不准其開採所見甚是著卽照該護撫所議將古樓岡鄧姓荒山五嶺入官永遠封禁勒石定界禁止樵採惟小民趨利若鶩其所稱

擇隘設卡撥派兵役巡查並嚴飭地方官隨處稽  
察之處務須實力奉行不可有名無實日久懈弛  
致滋弊端欽此

失察礦徒

一礦徒聚集地方該管武職知情隱匿不嚴行查拏或失於察緝以致礦徒聚眾潛匿地方已經發覺又不上緊查拏礦犯全未捕獲者將該管武職照例分別議處

例載處分則  
例每私門若

能將首夥各犯拏獲及半者免議如僅獲夥犯及半而首犯未獲者仍照本例減等議處



失察假冒職官誑騙財物

一地方如有匪徒假冒職官誑騙財物失於查

拏之該管專汛兼轄官各照例議處

例載處分則例

雜犯  
門

假冒兵丁

一直省各營如有光棍假冒兵丁生事擾民挾制官司擾害地方者該管各官失於查拏將專汛兼轄各官及提督總兵均照例分別議處

例載處分則  
例雜犯門

自行訪拏究治者免議

失察在官人役犯贓

一內外武職大小衙門在官人役如有指稱衙門事件犯贓者將該管官分別失察知情故

縱照例議處

例載處分則  
例雜犯門

家人犯法

一武職官員失察家人招搖弄法及倚勢逞兇  
或致釀人命或酗酒宿娼及鬪毆斃命毀棺  
倉猝者分別照例議處若失察家人犯賊者  
照失察在官人役犯賊例處分

例載處分則  
例雜犯門

失察假印

一兵丁私雕本官印信及描摹本官印信將失  
察之本官照例議處如奸徒私雕偽印或描  
摹印信將該地方武職均分別已未行用照  
例覈議例載處分別自行訪問拏獲者均免  
議若別經告發始行拏獲者仍各照本例酌  
減議處如犯被誣情別汎拏獲仍照本例議  
處

稽察夜行

一五城各地方設立柵欄每柵欄巡捕營撥步  
兵三名看守每日定以二更爲始不許夜行  
除奉

旨差遣及部院衙門差遣外遇有因病延醫并生產  
嫁娶行走之人及緊要等事有燈籠首方許  
驗放如有無故夜行者該兵丁拏獲於次日  
呈報該營解送步軍統領衙門責十五板發

落

失察夜戲

一城市鄉村於當街搭臺酬神者止許白晝演戲如夜深懸燈唱戲男女擁擠混雜喧嘩恐致生關毆賭博姦竊等事武職該管官嚴行禁止倘不實力奉行照例議處

例載處分則例雜犯門

京城查拏放火兇徒

一京城關廂如有奸細放火兇徒巡捕營失於查拏者將該汛都司守備千總把總兼轄副將叅將遊擊等官各照例議處

例載處分則例火禁門



巡捕營地方失火處分

一巡捕營所屬地方有失火延燒房屋十間以下卽行撲滅者免議如不能撲滅延燒十間以上或三十間以上或二百間以上者千總把總守備都司副將叅將遊擊照例分別議處如至四百間以上及六百間以上者千總把總守備都司副將叅將遊擊並步軍統領總兵均照例分別議處

例載處分則  
例火禁門

外省失火處分

一各省城內失火延燒房屋專管官照巡捕營千總把總等官之例兼轄統轄官照巡捕營副將叅將等官之例同城提督總兵照京營步軍統領總兵之例均按其延燒房屋間數分別查議至城外村莊失火延燒房屋不能撲滅專管兼轄各官另計間數照例議處至失火延燒文卷倉廩及將錢糧文冊擅藏私家以致焚燬者均分別照例處分

例載處分則例火禁

門其延燒房屋多間處分重者仍照例從重

歸結

監獄失火

一監獄失火燒斃罪囚撲救不力之專汛武職  
及同城不同城之兼轄統轄官均照例議處  
例載處分同  
例火禁門

監犯越獄

一凡監獄遇有重囚該專汛員弁撥兵協同巡

防如監內遇有大盜十人以上者酌加兵丁

巡防其營鎮駐劄處所該千總把總不時稽

察倘重犯越獄

係斬絞及遣犯脫逃例應正法者

并尋常監

犯越獄

係遣犯脫逃例不正法及軍流以下人犯脫逃者

將專汛及

同城不同城之兼轄統轄各官照例按限分

別議處

例載處分則刑獄門

一重犯越獄

係斬絞及遣犯脫逃例應正法者

隣境武弁於一

月內拏獲者每一名加一級再紀錄一次一

月外拏獲者每一名加一級如尋常盜犯裁

獄係遣犯脫逃例不正法及拏獲者毋論一

月內外俱減一等議敘每一名紀錄三次其

隣境兵丁拏獲越獄之犯係斬絞人犯及逃犯脫

逃例應每名賞銀二十兩軍流以下人犯及

正法者犯脫逃例每名賞銀十兩俱由原疎脫各官

名下追給

毆死奴僕

一綠營武職官員有毆死奴僕者照八旗官員

毆死奴僕例辦理

例載八旗處分  
則例雜犯門

遣犯殺傷人命

一發遣新疆綠營爲奴當差人犯逞兇斃命將  
約束不嚴之該管及兼轄各官并統轄大臣  
各照例議處

例載處分則  
例雜犯門



失察私宰耕牛馬匹

一地方有私宰耕牛馬匹該管官失於查拏按  
其失察隻數照例分別議處

例載處分則若  
例緝私門

自行拏獲者免其處分

嚴懲錢鋪奸商

道光二年十一月內奉

上諭署北城御史薩斌等奏錢鋪奸商設局誑騙請  
旨交部嚴辦一招京師五方雜處市商開設鋪號  
兌換銀錢原以便民日用若該商等因有人寄存  
銀兩或託故借人銀兩積聚益多遂萌奸計藏匿  
現銀閉門潛逃其爲設局誑騙情節顯然不可不  
嚴加懲治以儆刁風該御史等奏請嗣後凡有錢  
鋪關閉誑騙者照例監追逃跑者照盜案例嚴辦

著交刑部嚴議章程具奏其現獲之聚成號  
宰著交刑部嚴審辦理欽此

失察私鑄錢文

一地方奸民私鑄錢文專管官知情故縱者案革治罪不知情失於覺察者專管兼轄各官按起數照例議處

例載處分則  
例緝私門

自行查出究辦者免議文職查出究辦武職亦准免議

一奸民私鑄私銷之案如從前失於覺察後能拏獲者不論年月遠近俱免其處分若犯破文職拏獲及交界處所拏獲武職亦准免議如僅獲爲從之犯而首犯及匠人脫逃者止

免其失察處分仍照命案緝兇之例辦理如  
承緝官離任接緝官按其到任在初參限內  
限外分別照例議處例載處分則承緝官因  
公出境者免議例緝私門

奸民翦邊燬化制錢

一地方有奸民將制錢翦邊燬化至十千以上  
或不及十千者將失察之專管兼轄官均按  
起數照例分別覈議如數止一千文以下者  
將專管官議處例載處分則自行查出究辦  
例緝私門者免議文職查出究辦武職亦准免議

拏獲私鑄私燬議敘

地方武職不論本管及別汛地方有能將私鑄私銷之案訪聞破案將首犯及匠人立時拏獲者每一起加一級

失察販賣私錢

一地方經紀鋪戶有販賣私錢攙和行使失於查拏者將該管兼轄各官按照起數照例分別議處

例載處分則

例緝私門自行查出究辦者免議

文職查出究辦武職亦准免議



失察翦邊錢文

一武職該管地方有翦邊錢文攙和行使失察

之該管官照例議處

例載處分則  
例緝私門

奸民製造錢模

一地方有奸民甫經製過做堆製造錢模尙未

鑄錢者別經發覺將失察之該地方武職照

例議處

例載處分則  
例緝私門

自行查出究辦者免議

文職查出究辦武職亦准免議

漕船夾帶私錢

漕船運丁如有販賣私錢擬和行使領運官

分別知情不知情照例議處

例載處分別  
例緝私門

軍犯發遣

一刑部問擬充軍人犯開明籍貫咨送兵部照  
五軍道里表開載地方附近充軍者發二千  
里近邊充軍者發二千五百里邊遠充軍者  
發三千里極邊充軍者發四千里烟瘴元軍  
者發烟瘴地方亦四千里如烟瘴地方在四  
千里之外卽不拘四千里之數惟計至烟瘴  
省分安置如四千里內外均有烟瘴地方仍  
按計里數覈定地方發遣均發各該府州縣

管轄仍註軍籍當差以上充軍人犯給得牌  
一張劄行順天府著落沿途府州縣差役遞  
解取收管送部仍咨該總督巡撫取該府州  
縣著伍收管并原發傳牌繳部查覈其在外  
問擬軍犯由該省總督巡撫定地發遣抄該  
犯招由送部若現在定地發遣時遇

赦者咨送刑部援免其現在定地發遣軍犯病故卽  
委官相驗果係病故並無別情移咨刑部知  
照其所遺妻氏免其發遣在部查覈該

總督巡撫查明病故緣由取具該州縣印結  
送部所遺妻氏准回原籍

軍流遣犯盛暑隆冬停遣

一軍流遣犯未經起解者夏六月冬十月至正月停其發遣若已至中途者夏六月亦准停遣初冬十月照常接遞至十一月初一日方准停遣俟次年二月起解如抵配所不還本犯情願前進者將不停遣緣由移咨前連一體接遞其情罪重大者雖遇盛暑隆冬不准停遣

發遣官常各犯起解限

一 消罪人犯由刑部定地者定案後卽咨送兵部發遣如發往軍台効力贖罪廢員一經咨送兵部卽日派撥弁兵押解起行其人犯應由兵部定地者兵部接准咨文依限定地卽行提發至外省發遣官常各犯及發往軍台効力贖罪廢員與軍流徒罪人犯於文到之日均限一個月卽行起解勿得任其逗遛仍令各該督撫將各犯起解月日逐一分別按



李彙報明部兵部備查如有遲逾卽行出參  
其各犯如實有患病逾限不能起解者地方  
官驗看屬實加具並無捏飾印甘各結詳明  
督撫起限亦不得過兩個月該督撫亦卽咨  
部彙報如有假捏及逾限不行起解者卽經  
發覺將該州縣及失察之各上司分別六部

議處

發遣人犯派撥官兵護解

一由部發遣人犯每犯派營兵四名護解山部發軍犯及黑龍江等處改發軍犯每犯派營兵二名的役二名護解遣犯擬改流徒及遞籍管束人犯每犯派營兵一名的役一名護解遞解口外人犯每犯派營兵二名護解每犯一名至五名派營弁一員護解若係緊要人犯添派守備一員多派兵役護解

遣犯分起解送

一發遣人犯至五名以上者每五名作一起先  
後解送押解官役嚴加約束在途毋致生事  
擾累地方

解犯中途脫逃

一決不待時重犯中途脫逃及斬絞監候重犯

發遣新疆人犯

係脫逃例應正法者

軍流以下人犯

及

犯脫逃例不正法者

中途脫逃將兇差不慎之該管官

及兼轄官均各按其是吾短差兵丁已未加

有尉鎖照例分別議處

例載處分則例提解門

如屬員

於限內獲犯例得開復該管上司一體開復  
職名尙未送部者卽予免議

一改造以上人犯中途脫逃承緝官未經限滿

離任者逃犯交與接任官扣限緝拏限滿不

獲照例按限議處

例載處分則  
例提解門

一凡各項起解人犯遞至隣境未交之先中途

脫逃者將原僉差之武職官議處已經文與

隣汛者原僉差之武職官免議將隣境之接

解官議處

一解送未經擬定罪名人犯脫逃照軍流以下

人犯中途脫逃例議處

盜犯投首交營管束後脫逃

一盜犯投首交營管束後如有脫逃百日限滿

不獲專管官及兼轄官均照例議處

例載處分則例

緝逃門

人犯不行速解

一官員將應解人犯解送遲延者照例議處其  
解犯經由之處該專汛官派兵護送時按此  
親驗犯人及所撥兵丁數目相符再行起解  
如有兵數缺少及代解等弊卽詳報上司并  
該總督巡撫題叅將原僉差之員論罪犯之  
輕重照僉差不慎例分別議處如經由地方  
專汛官隱匿不報被前途轉解官查出或別  
經發覺者該上司將隱匿不報之員題叅亦

照會差不慎例分別議處

例裁處分門  
例提解門



解兵與犯同逃承緝處分

一 遞解各項人犯中途脫逃僉解兵丁與犯同逃雖係畏罪潛逃亦照案犯脫逃之例按限嚴緝如逾限不獲卽照承緝本案逃犯罪名不獲之例一體辦理

押解官犯

一直省如遇緊要官犯務擇幹練員弁派委押解如有疎失除押解之員按律例分別議罪外將原委上司照例議處

例載處分例  
例提解門

解犯過境撥兵看守

一遞解人犯過境其未設監獄處所令該管官  
接收多撥兵役嚴行看守如有藉詞推諉  
收僅令原解兵役看守致犯脫逃者將該管  
官照解犯中途脫逃不加肘鎖短差兵丁例

分別議處

例載處分則  
例提解門

遞解罪犯中途自盡

一各省秋審發回監候及他省遞解人犯中途自盡將僉差不慎之營員按人犯罪名並是否短差兵丁及已未加有肘鎖照例分別議處管杖人犯中途自盡者亦照例覈議其遞至中途寄監自盡者將管獄官照監犯自盡例議處原解之員免議若在村莊坊店歇宿自盡者仍將原解添解之員分別議處

則例提

解門

兵丁押解罪犯賄縱捏報脫逃

一各省接遞罪犯管解之兵丁倘有受賄縱放捏詞具報脫逃者除將兵丁治罪外將僉差不慎之該管兼轄統轄各官均照遞解罪犯中途脫逃本例加等分別議處如一日之內將罪犯自行拏獲者准其開復自行查出究辦者仍照疎脫罪犯本例議處

例載處分則  
例提解門

發往巴里坤人犯收禁驛監

一發往巴里坤人犯遞解到站如止設有駐劄

武員者責令該員弁稽察收禁驛館監內倘

有疎脫將該管官照例議處

例載處分則  
例提解門

發往巴里坤人犯脫逃

一發往巴里坤種地人犯及發往巴里坤賞給

兵丁爲奴人犯在配脫逃或係尋常罪犯或

係情罪重大之犯

如詐爲

詔旨僞造

制書生傳

印信及版

逆強盜私鹽及左道妖言妄言罵賊高僧席

夾帶違禁物件謀殺及出使官吏洩軍機密

走漏消息走泄事情採生折

割毒藥殺人以藥迷人之類將該管官及兼

轄官均各照例按限分別議處

例載處分則  
例緝逃門

至隣境地方官弁有能拏獲者照拏獲隣境

逃犯例按名數起數分別議敘

免死發往伊犁烏魯木齊等處要犯脫逃

一免死發往伊犁烏魯木齊等處要犯中途脫

逃將僉差解送之營員及不行防護之兼轄

官均照例覈議如僉差之員未滿年限離任

者將接緝官以到任之日爲始按限照例議

處

例載處分則  
例提解門



新疆內地遺犯脫逃

一新疆改發內地遺犯脫逃例應正法並各省  
改遣人犯脫逃例應正法疎脫五六名以上  
者專管兼轄各官均照情重罪犯在配脫逃

例分別議處

例載處分則  
例緝逃門

失察新疆逃遺潛匿

一 新疆人犯

及遣犯脫逃例應正法者

逃回原籍居住別經

發覺將原籍地方官查明曾否奉文密緝分

別照例議處一經回籍自行拏獲者免議若

在別處逗遛計時在半月以上者將失察之

地方官照例處分

例載處分則例緝逃門

失察軍流逃犯潛匿

一軍流人犯

及遣犯脫逃  
例不正法者

逃回原籍居住別經

發覺查明原籍曾經奉文密緝取具甘結者

將原籍地方官議處一經回籍自行拏獲者

免議如逃回於未准咨緝之先及逃回於取

結地方官離任之後者卽將失察之員議處

若在別處逗遛計時在半月以上者將失察

之地方官照例議處

例載處分則  
例緝逃門

嚴緝新疆逃遣年終彙奏

乾隆四十五年六月內奉

上諭據伊勒圖等奏稱發遣伊犁人犯常福兒於四月初一日脫逃已行知伊犁所屬各卡倫臺站部落大臣等嚴行緝拏等語此等發遣伊犁烏嚕木齊爲奴人犯非尋常犯罪者可比俱係身罹重罪發遣極遠地方復不安靜肆行逃走一經拏獲應行卽時正法經朕曲加矜全改定發伊犁烏嚕木齊之犯自應安分悔罪茲復潛逃情殊可恨若不嚴緝務獲不能示

懲於衆也今常福兒脫逃雖經伊勒圖行知各該處  
但恐各地方官兵疎懈不以爲事並不上緊嚴拏其  
伊犁烏嚕木齊等處著交伊勒圖奎林等嚴飭速緝  
陝西甘肅等處著該督撫嚴飭所屬卽行實力嚴拏  
務獲無論在何處地方拏獲卽在該處正法以示炯  
戒卽如軍營綠營兵丁內有脫逃者不論罪之輕重  
一經拏獲卽行正法是以立法從嚴匪徒究知畏懼  
此等發遣伊犁烏嚕木齊等處人犯旣已復逃若不  
嚴拏從重辦理可乎著將此通行曉諭嗣後如有似

此者務須上緊查拏倘不實力嚴緝一經別處拏獲  
究出經過地方之官員俱行治罪外其各該管上司  
一併交部議處仍將此等在逃人犯共有若干拏獲  
正法者若干未經拏獲者尙有若干之處該大臣等  
於年終查明彙奏欽此

匪犯糾衆等案三月以內擒獲免議

乾隆三十六年五月內奉

上諭據鍾音奏拏獲安溪縣姦民王添送等分別定擬

一摺已批交該部議奏矣此案署華封縣丞魏嗣業

一經聞報卽集兵役鄉衆擒拏首夥各犯而署安溪

縣事縣丞甘運濫復拏獲夥犯多人該員等以佐貳

微員奮勉出力頗屬能事魏嗣業甘運濫俱著該督

等出具考語送部引見至所請將失察之地方文武

大小各員交部察議之處竟可不必王添送等同謀

糾黨未及一月卽經敗露全獲盡法究治辦理頗爲妥速不得謂之失察均毋庸交部匪徒滋事不法原當責成地方官如平時漫無稽查迨發覺後又復遷延怠緩不卽勇往擒治釀成事端其咎自所應得若當端倪初露卽能上緊查拏迅速獲犯結案尙屬有功無過倘仍加以議處既不足以昭勸懲且恐庸劣員弁遇有地方姦匪重案懼干吏議致啟彌縫匿諱之漸於除姦轉爲無益嗣後匪犯糾衆等案如事在三月以內卽能查辦擒獲者毋庸復予失察處分著



爲令欽此

欽定中樞政考

卷二十五

雜考

尖

失察邪教

嘉慶十八年十月內奉

上諭御史恒麟奏敬陳管見一摺所稱文武疎防一條文武地方官所轄境內如有惑眾不法之徒該管官能查出究辦准其將功抵過其始終諱匿不舉者事發從重治罪如此顯爲區分規避之弊可除轉免致養癰貽患著吏兵二部將舊例酌爲變通寬小過而收實效奏明頒發直省一體遵行欽此

嘉慶十八年十月內奉

旨吏兵二部具奏酌議失察邪教處分各摺直省地方  
遇有奸民倡立邪教惑眾斂錢甚至釀成叛逆重案  
該管文武各官如能先事覺察及早查拏破案自應  
寬其既往以勸緝捕而杜諱飾卽如此次直隸山東  
河南三省均有奸民糾眾滋事該管督撫溫承惠同  
興長齡及所屬府縣均未治罪此內如同興能先事  
查拏究出首犯林清姓名住址又能將山東滋事賊  
匪迅速翦除是以疊加恩賚優予甄敘至溫承惠因  
所屬地方有逆首林清突犯禁門爲從來未有之事

又復剿辦遲延是以明示懲處賞罰各有權衡非一  
律科以失察之咎也朕詳閱吏兵二部所議如該管  
文武各官於邪教叛案能先行訪聞將案犯迅速緝  
獲無論時之久暫不特免其處分亦毋庸照兵部所  
議送部引見該督撫奏聞時朕必立沛恩施優加獎  
擢或因匪黨衆多職微力不能辦立時密報上司及  
咨會隣境查拏破案者著准其功過相抵不必照本  
例減等議處倘明知故縱始終掩匿不報事發從重  
治罪若屬員詳報而該上司隱飾不辦者則將上司

黜革治罪詳報之員概免議處其在任毫無覺察經  
後任官舉發者將前任官俱照原例降革如此明定  
章程嗣後該管文武各官當曉然於矢察過輕諱匿  
罪重認真緝捕毫無瞻顧庶奸匪不能潛匿吏治民  
風可期日臻整肅欽此

一地方有奸民倡設邪教附和邪術煽惑愚民  
以致釀成叛逆不法及自稱為神爲佛傳布  
符水經板騙惑愚民集聚多人結會斂錢張  
旗鳴鑼或私行邪教尙無聚衆結會斂錢等

事者將專管兼轄統轄各官並提督總兵均

照例分別議處

例載處分則  
例惟犯門

如該管官能於

未經發覺以前先事訪聞查拏破案或一經

發覺卽勇往擒治將何教案犯拏獲無論時

之久暫准其功過相抵免其從前失察處分

或先已訪問因匪黨衆多力不能辦立時密

報該管上司及知會隣境查拏破案亦准其

功過相抵免其議處若係文職及別汛訪問

究辦該地方官能協同拏獲首犯或拏獲夥

犯多名均照本例減等議處其前任未經訪  
出各員均照例辦理倘該管官明知故縱隱  
匿不報事發照諱盜例革職從重治罪該管  
上司照本例加等議處若該管官通同諱飾  
一併革職治罪如屬員業已詳報該上司隱  
飾不卽查辦者將該上司革職治罪詳報之  
員免議

一奸民私行邪教煽惑愚民如武弁內有給與  
此輩執照告示者將該員及失察之該管上

司並提督總兵各照例議處

例載處分則  
例雜亦門

一地方有愚民創建廟宇不行稟報查禁擅給

告示者將給予告示之武弁照例議處

例載  
處分

則例雜  
犯門



嚴拏邪教首惡

嘉慶二十二年六月內奉

上諭朕恭閱

皇祖世宗憲皇帝實錄內載雍正二年六月奉

上諭朕惟除莠所以安良黜邪所以崇正自古爲國家  
者綏戢人心整齊風俗未有不以誥姦爲首務也聞  
江西地方頗有邪教大抵妄立名號誑誘愚民或巧  
作幻術夜聚曉散此等之人黨類繁多踪跡詭秘苟  
不絕其根株必致蔓延日甚地方各官倘務姑息不

行訪拏是養奸也澄清風俗之謂何該督撫亟當嚴飭各屬密訪爲首之人嚴加懲治能去邪歸正者則予以從寬如有出首者卽酌量獎賞務令萌蘖盡除姦民屏跡風俗人心咸歸醇正倘或仍前因循不能查禁事發之後該管官一併從重議處此等查禁之事亦不必張大聲勢以駭衆聽惟當留心密訪設法緝獲祇將爲首者重懲其餘被誘惑者概不深究如此方合朕意假若不肖有司借此恐嚇平民波及無辜則不特無益而反有害矣務須飭諭屬員知悉欽

此仰見我

皇祖除莠黜邪教民成俗之至意奸民倡爲邪教誘惑愚民傳習既久人數衆多必致滋生事端爲害甚鉅朕屢飭查辦嚴懲倡教首惡寬宥被誘愚民實與

皇祖聖訓默相符合乃地方大吏以及有司詰奸善俗是其本責平日因循疲玩不能留心察訪早絕邪萌遇有特降諭旨訓飭查拏則惟張揚聲勢縱任差役人等或妄拏無辜或將尋常茹素念經之案辦理一二藉口塞責其傳教惑衆首犯迄鮮弋獲安能將邪

憲之風拔本塞源乎嗣後各督撫務督率地方州縣  
將傳習邪教爲首之犯設法訪拏嚴行懲辦除緝有  
悖逆重情者從犯一併按律治罪外其祇係被誘愚  
民愆免深究則首惡旣除鄉曲之間無人煽惑風俗  
還淳而罹法者亦日少矣將此通諭知之欽此

嚴拏邪教妖言不得姑息

嘉慶二十二年十月內奉

上諭朕每日恭閱

列聖實錄原以

祖

考貽謀法則大備鑑往知來恪守祇遵以施於政治本

日恭閱

皇祖世宗憲皇帝實錄內載雍正五年九月內欽奉

諭旨邪教妖言大有關於人心風俗該地方官一有所

聞卽當留心根究庶可以消奸宄而安良善所謂防微杜漸也若下司隱匿不報或上司知之又欲化有事爲無事勢必致奸宄漏網匪黨無所忌憚附和者愈衆則將來株連者逾多是本欲息事而轉致多事故不如懲治之於早也各省督撫藩臬皆地方大吏勉之毋忽欽此仰見

皇祖睿謨深遠於百年以後之事早已

先幾燭照朕現在嚴拏邪匪用以除莠安良實與

訓默相符合蓋邪教妖言煽惑愚民其始不過數人

國家私相傳習地方官當其初經發覺時或意存寬  
縱懼于失察之咎不行查辦迨至蔓延貽患徒黨衆  
多遂敢恣行不法彼時大加誅夷權法者殆不可數  
計所謂星星不滅勢將燎原由於弭患之不早也蓋  
直省督撫藩臬各分飭所屬地方官境內如有傳習  
邪教者總當認真查拏據實稟報該管上司卽嚴切  
根究按律懲治不可稍存姑息之見此時小懲大誡  
治罪者不過數人而萌蘖既除則愚蒙不爲所惑善  
良益得自全卽以陰險之說計之其造福豈有涯量

慎勿務煦煦之仁而昧正俗安民之遠計也將此通  
諭知之欽此



邪教授悔毋庸派委多員分投勸諭

嘉慶二十三年六月內奉

上諭慶保等奏習教愚民具結赴官投悔請免治罪並將分投勸諭之員請加鼓勵一摺愚民學習邪教最為風俗人心之害如一二人私自在家焚香誦經地方官原不能逐戶搜查緝拏淨盡若一經傳徒聚眾則跡跡易露卽當立時捕獲按律嚴懲俾知警懼其有舊染洋俗真心改悔赴官投首者自可從寬免罪予以自新如派委多員四出勸諭在委員等必以投

俸衆多爲功而其間投悔之民未必悉出于真心  
過暫時希圖免罪迨日久故智復萌又或私相傳  
仍難收化莠爲良之效該省既已先經勸諭所有  
次投悔向習天主教之傅大才等四十名口大乘  
之王世寶等十一名口牛八教之李村等三百八十  
九名口均出具切結到官著俱免其治罪失察之文  
武員弁亦俱寬免處分至從前該省辦理習教人犯  
案內獎勵各員原因其等獲教犯多名又有甚等投  
悔者是以量予甄敘並非獎其勸諭之功嗣後毋等

派委多員分投勸諭其此次奏請鼓勵各員概不准  
行欽此

失察西洋人在境傳教處分

一西洋人潛住內地傳教并民人傳習西洋教者該督撫據實查叅將失察傳教之地方專汛兼轄統轄各官並提督總兵均照例處分知情諱匿不報者專汛官及該管上司俱照諱盜例分別議處如在地方潛住並未傳教者專汛兼轄統轄各官並提督總兵亦照例處分如西洋人僅止過境並未逗遛將失察之專汛兼轄統轄各官議處提督總兵免議

例載處分則  
如該管官能先事訪問拏獲彼

案或密報上司知會隣封查拏究辦及協獲  
首夥人犯者均照失察邪教獲犯破案之例

辦理

刁民聚眾抗官

一地方刁民強行逼勒平民約會抗糧聚眾聯謀斂錢搆訟抗官塞署及有罷市罷考毆官等事該管武職既經聞信無論是非曲直實力擒拏倘未能實力擒拏以致當場脫逃者限滿不獲同城武職及不同城兼轄統轄並總兵提督均照例分別議處

例載處分則如例雜犯門

該管官能於限內拏獲及半兼獲首犯或先已訪問因匪黨眾多力不能辦立時密報上

司及知會隣境查拏破案者均免其議處

失察盟黨

一凡地方不軌之徒歃血訂盟結連兵役爲害  
良民鄉保等赴武職衙門首告該管專汛官  
不嚴行緝拏惟圖掩飾以致滋事者叅革提  
問兼轄統轄官分別知情失察議處其未赴  
武職衙門首告並無所屬兵丁在內失於查  
拏者或有所屬兵丁在內失於查察者專管  
兼轄統轄各官俱照例議處

例載處分則如  
例雜犯門

該管官於未經滋事之前先行查拏破案或



一經滋事卽能獲犯及半兼獲首犯或先已  
訪聞因匪徒衆多力不能辦立時密報上司  
及知會隣境查拏破案均免其處分若破文  
職及別汛訪問究辦該地方官能協同拏獲  
首犯或拏獲夥犯多名均照本例減等議處

緝拏邪教人犯

一邪教案內之脫逃匪犯如係供有住址者責令本籍武職一體協緝自文職知照之日起一年限滿不獲議處仍令武職專管官出具印結詳報倘具結後該犯隱匿該處別經發覺將武職專管官照例處分其無的實住址者照緝之例嚴緝一年後果無踪跡武職專管官一併具結報部倘具結後別經發覺武職專管官亦照例處分

例載處分則  
例雜犯門

隣境緝拏要犯該管官不及協拏免議

嘉慶十八年十二月內奉

旨同興奏請定隣境州縣緝拏要犯事例一摺直省州縣各有疆界定例拘傳隣境人犯必關移本地方官稟傳移解原以杜冒名妄拏擾害平民之弊若案關重大如現在緝拏逆犯自應量爲變通免致稽遲時日瀟洩風聲嗣後如查拏逆案要犯隣縣曉明住址在其選滋幹役就近速往掩捕仍審具文移另派妥役關會本邑地方官並免其不及協拏處分庶旨充

欽定中樞政考

卷二十五

雜犯

一百

延擱之弊可以悉除其尋常命盜尸婚田土案件關  
提人犯仍著照舊例行欽此

迎神聚衆不能查拏

一地方有迎神進香擊鼓鳴鑼聚衆張打旗幟  
執事等項倡衆爲首者在內巡捕營專汛武  
職在外地方專汛武職未經查拏者專汛兼  
轄統轄各官均照例

此處

例載處分則  
例雜犯門

失察逞兇結黨

匪徒逞兇結黨或雇募兇徒持械肆橫該管  
官知情故縱者照溺職例處分失於查拏者  
該管官及兼轄統轄官分別照例議處例載處分  
則例雜若一經發覺該管官卽能獲犯及半  
犯門兼獲首犯或先已訪聞因匪黨衆多力不能  
辦立時密報上司及知會隣境查拏破案者  
均免其議處

糾圖重案嚴拏速辦

嘉慶二十三年十一月內奉

上諭御史馮清聘奏各省械鬪重案請飭立限速辦一摺各省械鬪之風固因民情兇悍亦由地方官平日不能盡心化導及呈報到官或控經上司提審又復藉詞耽延以致沉寃莫雪積案相仍如福建民人詹斌等呈告葉瑞蓮聚眾逞兇一案延至十九載不爲審理實屬因循疲玩此種惡習亦不獨福建爲然直省大吏務各嚴飭所屬振刷精神於地方詞訟事件

逐日清釐其情強糾鬪重案立即嚴拏重懲勿事姑息俾兇頑知所做懼則善良得以各安本業吏治民生均口有起色矣將此通諭知之欽此



失察械鬪

一各省地方遇有聚眾械鬪案件如係釁起時並非豫謀糾眾者地方官免議其持械肆橫豫先糾眾該管官員據地方呈報不行查拏者照諱盜例議處若有心故縱及獲犯到案不行嚴懲代犯開脫并增減改捏情節均照故出人罪律治罪其止於失察未經查拏者照例議處

例載處分則例雜犯門

如一經發覺卽能

獲犯及半兼獲首犯免議若僅拏獲及半而

首犯未獲仍照本例減等議處或先已訪聞  
因匪黨衆多力不能辦立時密報上司及知  
會隣境查拏破案者亦免其議處

容留叛屬

一容留反叛家屬在營將該管官分別知情不

知情照例議處治罪

例載處分則  
例雜犯門

承緝叛逆

一地方遇有叛逆重案餘犯在逃同城武職及不同城兼轄統轄各官並提督總兵均照例分別覈議接緝官自接緝之日起扣限照例

議處

例裁處分則  
例雜犯門

一叛逆人犯被父母兄弟妻子縱放逃走及逃犯未獲作爲已獲頂替誑報者將知情故縱之該管武職及失於詳查遽行轉報之上司各官並提督總兵分別覈議其餘應行解部

家屬該管官不行解部或聽其買贖或誑稱  
已故以及起解遲延者將該管官照例議處  
至叛逆人犯潛入境內失於查拏者將專管

官及該管上司均照例覈議

例載處分則  
雜犯門

嚴拏元棍

一五城地方如有惡棍在街藉端挾詐勒騙錢財攪擾市肆行兇者責成巡捕營官員每日巡查緝拿如有惡棍在境滋事將專汛都司守備千總把總外委兼轄副將叅將遊擊並兵丁番役等分別知情失察賄縱照例議處治罪

例載處分別

例雜犯門

自行拏獲者俱免議

一巡捕營專汛官拏獲惡棍不卽送兼轄上司兼轄官拏獲惡棍不卽送步軍統領總兵者

均照例處分

例載處分則  
例雜犯門

步軍統領衙門將

拏獲人犯不速行審結經稽查御史叅奏遲

延者照事件遲延例議處

例載處分則  
例限期門

一 外省城內如有惡棍在街借端挾詐勒索錢

財攪擾市肆行兇者責令城內該管營員每

日巡查緝拏如有惡棍在境滋事將專汛兼

轄各官分別知情失察賄縱照例處分

例載  
處分

則例雜  
犯門 自行查拏者俱免議

一 外省地方鎮店村莊如有惡棍在街挾詐錢

財行兇滋事該專汛兼轄各官亦分別知情  
失察賄縱各照例處分例載處分則自行查  
拏者俱免議



查整霸占要地

一內務府官員家人及王貝勒貝子公大臣家人領本生理霸占要地關津倚勢欺凌不令商民貿易又或指名倚勢網收市利挾制有司干預詞訟肆行非法及民人借貸王以下大臣等銀兩指名貿易霸占要地貽累地方武職不稟報總督嚴行查拏者將專汛兼轄統轄各官按其知情失察分別議處

例載處分則例

雜犯門

光棍輪姦婦女

一光棍輪姦婦女孩童之案照盜案例扣限題

參照道路村莊被劫之例分別有無墩鋪議

處

劫盜輪姦已獲輪姦之犯查係獲盜反半兼獲盜首未獲餘犯並未輪姦者仍准免

議

如該管官諱匿不報并該管各上司徇隱

不參均照諱盜例分別議處

例載處分則例緝捕門

失察擄掠人口勒贖

一陸路地方如有盜匪夥衆擄掠人口勒贖傷

入及被擄以致自盡者限滿不獲該督撫提

鎮題叅將專汛官外委官及兼轄統轄各官

均照例分別按限議處

例載處分則  
例雜犯門

若該管

官能於限內獲犯及半兼獲盜首或先已訪

聞因匪黨衆多力不能辦立時密報上司及

知會隣境查拏破案者均免其議處其僅止

擄人圖利關禁勒贖並無凌虐情事該總督

巡撫提督總兵將該管各官題參疎防照盜  
案例分別議處

兇苗捉人勒贖

一苗疆土司地方並無營汛防兵如有兇苗伏  
草捉人枷肘在巢勒銀取贖該地方遊巡官  
於巡哨日期內失事者照陸路遊巡官之例

議處

例載處分則  
緝捕門

強搶迷拐男婦

一京城巡捕五營及各省州縣地方遇有夥衆搶奪良家婦女及用藥迷拐男婦子女之案

巡捕營扣限兩個月題參各省扣限四個月

題參限滿不獲將專汛官外委官及兼轄統

轄官各分別參限照例議處

例載處分則如例雜犯門

於限內獲犯及半兼獲盜首者免議若獲犯

及半盜首未獲者專汛協防官照盜首不獲

例議處

例載處分則如承緝官於限內去任

例雜犯門

接緝官按其到任接緝在初叅限內限外分

別扣限議處

例載處分則例雜犯門

倘有諱匿及事主

未報等情悉照諱盜及失察事主被盜不報

例分別辦理

一該管武職將迷拐人犯實力緝獲者免其失察處分准予紀錄一次其別處地方員弁有能盤獲者准其紀錄二次

京城迷失幼童幼女

一迷失幼童幼女巡捕營各衙門一面通行各直省查緝一面飭屬并遴選幹捕嚴緝奸拐並收留不報之人如該管武職果能實心緝獲者按拏獲名數議敘拏獲一二名者紀錄一次三四名者紀錄二次五六名以上者紀錄三次若該地方有窩拐誘拐及收留不報之人失於查拏將該管各官亦按窩誘收留名數處分倘奸徒將誘拐之人在遠方轉賣



經地方官拏獲供出曾在某地方容留者將  
拏獲之該地方專汛武職照前例分別議敘  
其容留之地方專汛武職照例議處

例載處  
分則例

雜犯  
門

一幼童迷失或逃或拐情節未明應俟緝獲之  
日審係誘拐方行照例分別議處

迷拐幼童

一迷失幼童於報到之日該管衙門一面行知  
看守城門官兵加意盤詰一面飛飭所屬該  
管員弁躡緝併通飭附近地方官弁一體稽  
察嚴緝務獲如該管員弁不卽據行轉報關  
緝以致遲誤者照例議處

例載處分則  
例雜犯門

一用符咒騙誘子女毀其肢體多取腦髓等事  
拐騙爲業者該汛地方員弁失於查拏或止  
於騙誘並無毀炙等事失察窩頓在境事發

之日將該管官照例分別議處

例載處分則  
例雜犯門

興販人口

一匪徒夥衆興販婦人子女藏頓境內轉賣者將地方專汛武職分別失察知情議處若非夥衆興販止於誘拐藏頓境內轉賣者未能查出申報之專汛官亦照例處分

例載處分則例雜犯

門

官員鬪毆

一官員鬪毆折傷以上及屬員毆該管官者均  
參革治罪至該管官擅毆屬員及並無統屬  
官員彼此相毆將本員並平日約束不嚴之  
專管兼轄統轄各官均各照例分別覈議例  
處分則例

雜犯門

官員宿娼

一官員宿娼或官員犯與軍民之妻通姦者分別議處治罪該管上司明知徇隱不行揭叅或失於查察者各照例分別覈議例載處分則例雜犯門其自行查出揭叅者免議

一官員姦家下有夫婦人者照例議處例載處分則例雜犯上門司官免議

一官員宿娼地方官拏獲得財私放及未得財

者均照例覈議例載處分則例雜犯門

臺灣官員失察兵役包庇娼賭

一臺灣地方如有兵役人等包庇娼賭等事該管官容隱不行呈報鎮道及呈報鎮道而鎮道不行究辦者均照知情故縱律治罪若失於覺察者照約束不嚴例議處

例裁處分別例雜犯門

買良爲娼

一匪徒誘買良家婦女在境潛匿賣姦及窩聚  
光棍朋賭該地方武職失於查拏或兵丁知  
情徇隱該管官失於覺察者均照例處分若  
兵丁在內串通勾夥取財失於覺察者該管  
官及兼轄統轄各官俱照例議處

例載處分  
則例雜犯

門



失察秧歌婦女及女戲遊唱

一在京在外有將秧歌脚墮民婆土妓流娼女  
戲遊唱之人容留在家有職人員叅革照律  
治罪其平時失察窩留此等婦女之該管武

職照例議處

例載處分則  
例雜犯門

臺灣地方嚴禁開設押典

一臺灣地方如有設立小典質押零星衣物盤  
剝貧民該地方武職不嚴行查禁任聽開設  
或失於查察者各照例議處

例載處分則  
例雜犯門

拏獲駕船誘騙冒差匪犯分別功過

一沿江沿河匪徒駕船誘騙及假扮兵役捏詞  
稽查攫取錢物案內未獲人犯臬司於結案  
後記檔歲底造冊申送督撫查覈仍俟次年  
歲底統計承緝員弁名下一年內已獲幾名  
未獲幾名彙冊報部如一年內能拏獲及半  
之外復有多獲者每一名記功一次其獲不  
及半者每一名記過一次記過至四次者照

例議處

例載處分則

記功至四次者紀錄一

例雜犯門

次俱以次遞加如有心玩縱者卽指名嚴參  
從重究辦

官員賭博

武職官員無論賭銀賭飲食等物及開場容  
留賭博并上司與屬員賭博爲樂者均叅革  
治罪永不叙用其稽察屬員賭博專汎官責  
之兼轄官兼轄官責之統轄官統轄官責之  
提督總兵如明知屬員犯賭不行揭叅或失  
於查察者將專責之員照例分別議處  
例載  
則例雜 已經揭叅者免議  
犯門

兵丁賭博

一 兵丁犯賭本官自行查出申報者免議若失  
於查察或明知賭博不行查究別經發覺者  
將本官照例分別議處

例載處分則  
例雜犯門

失察賭博議處

一武職失察賭博照例按計次數議處自行拏獲者免議如地方有經旬累月開場聚賭之案破案時未能供出次數者將未經查拏之專管官照例統計議處

例載處分則  
例雜犯門

一官員因公他往其所屬官兵及地方有賭博之案免其議處如存留賭具係在公署之前者仍應議處如能自行拏獲者亦免其議處

一失察賭博除咨題案內牽連賭博應行查拏

者仍逐案隨招附叅外其僅止賭博或鬪毆  
自盡命案牽連賭博例應外結者該管專汛  
武職通報該管上司卽詳記檔案俟文員審  
明後查其是否該員自行拏獲抑係別經發  
覺統於季終摘敘案由將失察之員彙齊咨  
參照例議處倘該專汛武職隱匿不報或經  
告發或被訪聞將隱匿不報之員照應申上  
而不申上私罪律議處

例載處分則  
例雜犯門



失察賭具議處拏獲賭具議敘

一拏獲製造賭具之家

如銅錫寶盒印板紙牌骨骰等項均作賭具論

或描畫紙牌者審明出於某汛將失察之該汛專管官分別議處如係自行拏獲將如何拏獲緣由據實申詳總督巡撫提督總兵將專管官加一級倘境內有藏匿製造紙牌板片并存留舊製賭具希圖售賣該汛專管官未經查出或境內有販賣賭具專管官失於查拏別經發覺以及地方因聚賭存留賭具

者將專管官均照例處分

例載處分則  
例雜犯門

一本境有製造賭具專管官平日失於覺察被

上司訪聞差役拏獲者將專管官仍照失察

例議處拏獲之上司照拏獲賭具例議敘

例載

處分則例  
雜犯門

協拏賭具議敘捏稱協拏者議處

一武職專汛地方有製造賭具之家經別汛訪問差役查拏而本汛之員差役協拏或本汛有製造賭具之人攜往別汛售賣經本汛訪問差役往拏而被汛之員差役協拏此等協拏緣由令拏獲之員申報上司該總督巡撫查覈得實卽於題咨疏內逐一聲明始免本汛之員失察處分隣汛協拏之員紀錄一次若並未協拏捏稱協拏將捏飾之員并兼轄

統轄及提督總兵各官均照例分別公私議

處例載處分則

例雜犯門

失察製造寶盒議處拏獲議敘

一 官員拏獲壓寶賭博之案除係尋常日用之盒並非寶盒毋庸以失察賭具查參拏獲者亦毋庸議敘外如確係雕鏤銅錫等盒專爲壓寶之用者審案內詳細聲明將失察及拏獲各官悉照製造賭具例一體議處議敘

處分則例

雜犯門

例載

後官拏獲賭具迴護前官議處

一後官拏獲造賣賭具之人查明前官如有失  
察仍將前任失察之員照例議處拏獲之後  
任官因賭博發覺究出現造賭具或舊存牌  
板俱准予議敘如新任署任官拏獲賭具或  
迴護前任官捏詳並未失察一經查出除該  
員不准議敘外仍照例議處若上司未經查  
出者亦照例議處

例載處分則  
例難犯門

已經查出者

免議

拏獲賭具議敘分別首先協拏

一官員拏獲製造賭具將首先拏獲者加一級  
協拏者紀錄一次此等拏獲賭具之員武職  
每案只准一員首緝一員協拏分別議敘如  
係文職首獲武職隨同協拏者武職亦准一  
員議敘

承審案件究獲賄具免議

一武職因文員承審鬪毆等案究出賄博賄具  
始行協同拏獲者止免其從前失察處分毋  
庸議敘



嚴禁花會賭博

一匪徒詭立花會名色編號製籌邀集多人聚  
設聚賭該地方武職失於查拏者照例議處  
自行訪知拏獲者免議倘諱匿不報或有賄  
縱情弊者均照例分別議處治罪

例載處分  
則例雜犯

門

失察匿名揭帖

一京城巡捕營地方黏貼匿名揭帖該地方官失於查拏別經發覺將專汛都司守備千總把總及兼轄副將叅將遊擊各照例議處

處分則例  
雜犯門